

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. III. Appendix ad Tractatum de Rescriptis, in qua comparatur Gratiæ  
Exspectativæ Apostolicæ, cùm Exspectativis usu receptis in Galliâ.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

## REGULA I.

Gratis exequenda sunt Rescripta. C. 16. De Vit. & Hon. C. 1. SESS. XXI. C. 5. SESS. XXII. C. 4. SESS. XXIV. CONC. TRID.

Nota circa hunc Articulum, quod Executori licet pro labore aliquid moderatum accipere, nisi Impertrans sit pauper, vel deputatus ad hoc redditus aliunde habeat Executor.

## REGULA II.

Non est omittenda Rescriptorum executio sine rationabili causâ, itaque exponenda est Summo Pontifici. C. 5. De Rescr. C. 34. De Præb. Hinc ratione frivola Exceptionis Executor non debet interloqui *ibid.*

## REGULA III.

Injusti Rescripti suspendenda est executio, donec melius instrutus Pontifex quid fieri velit, responderit. *ibid.*

## REGULA IV.

Apostolica de conferendo alicui Beneficio Rescripta, si Sede vacante, Capitulo directa executioni non fuerint mandata, ex eo quod Beneficiorum Collatio ad Episcopum spectat, ab isto exequenda sunt, ubi confirmatus est. C. 6. De Rescript.

Non est inutilis ista Regula, licet Mandata Apostolica exoleverint, cum ad Indulta Graduatorum, aliave familia, quae in usu sunt, applicari possit.

## REGULA V.

Processus factus, non servata Rescripti Forma, est ipso Jure irritus; factus verò ex Rescripto subreptito, est irritandus. C. 22. De Rescript. C. 21. 32. De Deleg. C. 19. De Respit. Spoliat. Nota obiter, non servare Rescripti Formam & Rescripti Fines excedere, unum & idem esse, ac proinde Capita, quae ad istud spectant, ad aliud pertinere, ideoque hic simul omnia collecta esse.

## REGULA VI.

In Rescripti executione, Mandantis intentio est attendenda. C. 36. 38. De Præb.

## REGULA VII.

Lata ex Rescripto Sententia executio suspendenda est, cum dubitatur de Jurisdictione illam Demandantis, idque, donec dubitandi locus tollatur. C. 24. EODEM TIT.

## REGULA VIII.

Cum Rescripto, quo Excommunicatori injungitur, ut iniuste Excommunicatum absolvat, Judices depuantur ad illud exequendum posito, quod ille non pareat, ad istos cognitio demandatur C. 44. Eod. TIT.

## REGULA IX.

Rescriptum, suppressâ veritate, vel expressâ falsitate, bonâ fide obtentum, exequendum non est juxta Formam, quam præ se fert, sed juxta Formam Communem. C. 20. De Rescript. C. 11. De Deleg. in 1. Collect.

## REGULA X.

Rescriptum, quod alias tangit, quam eos, propter quos datur, non est exequendum, nisi prius vocatis & auditis aliis omnibus, quorum interest. C. 17. De Maj. & Obed.

## REGULA XI.

Insufficiens est Rescripti executio, cum è Duobus, quæ æqualiter mandat, unum dumtaxat adimpletur C. 19. De Ref. Spol.

## REGULA XII.

Nullus tenetur Rescriptum exequi, si absque Scandalio id fieri nequeat. Idem dicendum, si cesset Mandati causa C. 6. De Præb. C. 30. De Præb. in VI.

## REGULA XIII.

In Galliâ Papæ Rescripta absque Patentibus Regis Litteris non sunt exequenda; illis exceptis, quæ Forum Internum respiciunt.

RATIO. Eo in Regno habetur Papa tanquam Princeps Externus, cuius Litteræ Executioni non mandantur absque Pareatis, vel Cautio hæc adhibetur, ne Ecclesiæ Gallicanae Privilegia, vel Regni Jura incaute violentur. PITHOEWS in Comment. sup. Libert. Eccles. Gallic. C. 44. FEVRERUS Tom. 1. p. 19. n. 10.

## REGULA XIV.

In eodem Regno, si Papa jubeat in Rescripto, ut autoritate Apostolicâ procedatur, vel non admittitur tale Rescriptum ob illam Clausulam; vel, si admittitur Clausula, habetur pro non scriptâ.

Excipienda sunt Rescripta Attributoria quæ, alia autoritate, quam Apostolicâ, executioni mandari nequeunt.

## SECTIO XIII.

In quibus differat JUS CANONICUM à JURE CIVILI circa RESCRIPTA.

## REGULA.

Non alia notanda veniunt differentiæ hujus generis, quam ista.

I. *Jure Civili*, si Clausula (*si Preces veritate nitantur*) omittarur, Rescriptum est nullum: *Jure Canonico* subintelligitur, ideoque illius omissione non annulat Rescriptum. GONZALEZ in C. 2. De Rescriptis n. 18. & FLORENS in TIT. De Rescript. subministrant, quæ hic de Jure Civili dicuntur, quæque adjicientur. Cetera, quæ de Canonico, patent ex dictis, quibus additæ extant apud GRATIANUM in §. Rescripta CAUS. XXV. QUEST. II. ubi colligit Leges, quæ declarant irrita Rescripta, in quibus deest Clausula (*Si Preces &c.*)

II. *Jure Civili* Rescripta Iustitia perpetuo durant, si Jus Commune continet; Rescripta Gratia anno finiuntur *Jure verò Canonico*, Rescripta Iustitiae finiuntur anno, si dolo vel negligentiâ intrâ illum non fuerint executioni data; finiuntur etiam morte Concedentis, si res fit adhuc integra; Rescripta Gratia non expirant morte Concedentis, licet res fit adhuc integra. Quod patet ex eo, quod à Successore revocari soleant, quandò vult, ut effectu suo careant, sive Lites, sive Gratiæ respiciant. C. 16. CAUS. XXV. QUEST. II. ex Theodosio & Valentiniano.

III. *Jure Civili* Rescripta subreptita irrita sunt; *Jure Canonico* sunt tantum irritanda, si Lites tangant.

IV. *Jure Civili* Mendax Precator à Judice puniendus est, *Jure Canonico* non item. FLORENS p. 82. 1. Part.

## CAPUT III.

Appendix ad Tractatum de Rescriptis, in qua comparantur Gratia Expectativa Apostolica cum Expectativis Usu receptis in Gallia.

Gratia Expectativa Apostolica, quæ etiam Mandata Apostolica vocitari solent, maximam conexio-

nexiōnēm habent cum Rescriptis, idque dupli ratione, 1. In se considerata, sunt Rescriptum Gratia. 2. Ob immēras, quas suscītarunt lites, plurimis Rescriptis Justitiae ansam præbuerunt, quorum non pauca utriusque generis in Corpore Juris reperiuntur, ut ex Tractatu de Rescriptis apparet: præterea Gratia Expectativæ apud Gallos recepta, non absimiles prædictis Gratia Apostolicis esse videntur; cùm utræque vacatura Beneficia respiciant, atque ad illa jūs conferrant, nec non in concessione & in executione nonnullis Formulis alligatae sunt obnoxiaque: his ergo de causis yisum est conveniens, ut huic Tractatui annexetur Comparatio Gratiarum prioris generis cùm Gratia posterioris.

Rusoeus in *Tractatu de Mandatis Apostolicis* simile quid præstitit: siquidem Primā Parte contulit illa prout regebantur Veteri Jure, quod in Corpore Juris continet, cùm iisdem consideratis juxta Ordinationes Regias, nempe Pragmaticam Sanctionem & Concordatam, relatisq[ue] oēto ab illo Jure præscriptis Formulis, Quatuor peculiaria Juri Gallicano notavit, quorum *Primum* est, Quod hoc Jure Mandatum debet esse simplex & purum de primo Beneficio, sine Clausula *quod duxeris acceptandum*, hoc autem discriminē justum esse ostendit triplici ratione.

*Secundum*, Quod Gallicano non apponatur Clauſula *Decreti irritantis*, probatque, illam periculosa esse, quia hinc irritat quacumque Collationem alteri factam, quam Impertrant; illinc verò evenire potest, ut Impertrant renuncient Mandato, vel negligat requirere Beneficiū, vel ut habeat illud pro dēreliquo, vel ut illius incapax fiat, unde in longum tempus vacatio Beneficiū protrahetur, in suspensum Divini Cultū, Salutis Animarum, rerum Ecclesiasticarum, illarumque fructuum.

*Tertium*, Quod Mandatum executioni mandari non possit, nisi post Mensem, ab Insinuationis die numerandum, idque æquum demonstrat ex eo, quod si Mandatarius Beneficiū obtineret immediate post Insinuationem, suspectus fieret, se procurasse mortem Defuncto, ut illius Beneficiū assequeretur, statim verò post Mensem permititur ei, ut impetrat Beneficiū n, ne diutius vacet.

*Quartum*, Quod distincta sint omnino Mandata ad Præbendas respectu Præbendarum, & ad Dignitates respectu Dignitatum, ita ut vi illorum obtineri nequeat Dignitas, nec istorum virtute Præbenda.

Hæc Rusoeus docet de Quatuor discriminib[us] inter Jus Canonicum Romanum & Jus Canonicum Gallicanum suo tempore servatum circa Mandata Apostolica, quoque exemplo movet ad comparandas Gratias Expectativas hodiè vigentes apud Gallos, cum Veteribus, de quibus in Corpore Juris plurima sub variis Titulis illius, sed potissimum sub istis. 1. *De Rescriptis*. 2. *De Præbendis*. 3. *De Concessione Præbendarum*. Facta ab illo prædicta Comparatio profuit, quamdiu post Tractatum suum Mandata Apostolica in usu esse perrexerunt, videlicet usque ad abolitionem illorum à Concilio Tridentino factam, anno 1563. eamque sufficienter publicatam, & ab omnibus, quorum intererat, acceptatam: quam autem sufficiimus faciendam inter memoratas Gratias utriusque generis nonnihil conferre poterit, quamdiu Hodiernarum Usus vigebit.

Ut autem hæc Comparatio methodicè fiat, Consideranda sunt ista Expectativae; 1. in se, quod Concedentem, & modum, quo conceduntur. 2. Quod Beneficia, qua ipsis substant. 3. Quod illos, quibus dirigitur, ut illas impleant. 4. Quod durationem, modumve, quo expirant. Hæc divisione Rusoeus usus est in explicandis Mandatis Apostolicis, cum quibus comparanda sunt Hodiernæ Gratia Expectativae, ac circa quodlibet Divisionis Membrum collectit Textus Juris Canonici de illo loquentes, illos-

que exposuit. Eundem sequentes Ordinem examinabimus, an collecti expositique Textus accommodari possint predictis Gratia.

Sed præmittendum est I. quod istarum Gratiarum Quatuor sive species, hisque nominibus donari solement. 1. Vocatur *Privilegium Graduatorum*. 2. *Indulsum Curia Parisiensis*. 3. *Atandatum jucundi ad Regnum adventus*. 4. *Mandatum præstiti ab Episcopo recente promoto Fidelitatis Sacramenti*. II. Quod Prima concessa sit Universitatibus à Concilio Basileensi, distribuenda ab ipsis, Membris suis, acceptata à CAROLO VII. & ab Ecclesiâ Gallicana ad hoc congregata, & confirmata à FRANCISCO I. & LEONE X. per Concordata inter illos inita. Secunda dictæ Curia concessa à Pontificibus EUGENIO III. PAULO III. & CLEMENTE IX. à Rege præcipuis illius Membris distribuenda. Utraque autem Gratia in hoc convenit, quod Corpori concessa sit in perpetuum, illiusque à Membris participatio seorsum sit à distribuente Corpore vel Rege: è contrâ quodlibet Mandatum Apostolicum emanabat sigillatim à Papâ vel Legato; idque duobus modis, nimis vel motu proprio Concedentis, vel precibus Impetrantis, neutra autem motu proprio fiat, sed precibus datur concediturve.

Tertia & Quarta à Rege conceduntur motu proprio, nullâ factâ mentione Precum, sed solius Meriti illius, cui conceditur. Hinc Rescripta, quibus utraque dantur, sunt Rescripta Gratia, ex sola Regis benevolenti procedentis; duas priores è contrâ sunt Litera, partim Justitiae, partim Gratiae, cùm debeat Graduatis vel Magistratibus, quibus conceduntur: in quo ista convenient cum Mandatis Apostolicis, que concedebantur Clericis Pauperibus, vel Ordinatis sine Titulo Clericali, seu Beneficio, seu Patrimonio: Cætera verò convenient cum Mandatis Apostolicis, quæ ex merâ liberalitate Pontificum concedebantur: singulæ autem, ut & singula Mandata Apostolica, revocari possunt ob subsequentem Impertrantum indignitatem, vel antecedentem posterius notam. Singulæ à Mandatis Apostolicis in formâ differunt, sed potissimum quod nullas habeant Clausulas in illis usitatas, nempe: *Anteferri*; si pro alio non scriperimus: *Quod duxeris acceptandum*: *Decreti irritantis*. Vid. RUSOEUM loco citato à n. ad 14. Differunt etiam in eo, quod per Mandata Apostolica creabantur interdum Canonici cum expectatione Præbendæ, quod à nullâ illarum Gratiarum efficitur.

Hæc sufficient *quoad Primum Divisionis Membrum* feū Gratias prædictas in se consideratas, Personam Concedentis & concedendi Formam, hincque nascentes inter illas & Mandata Apostolica Concordiant & Discrepantiam.

Nunc de Secundo, in quo de Beneficiis, quæ subiiciuntur Gratias Expectativas Gallicis, quare ab illis eximuntur: Utraque autem in genere spectata eadem sunt, ac illa, qua Mandatis Apostolicis suberant, vel non: Quod patet Collatione factâ istorum, quæ Rusoeus recenset in 2. Parte cit. Tract. cum illis, quæ enumerantur in 2. Parte Institutionum Ecclesiastic. & Benefic. Tit. XXIV. ubi de Beneficiis Graduatorum Privilegio subiectis, & Tit. XLVIII. ubi de illis, quæ subsum Indulso Curia Parisiensis. In utroque autem Titulo observare est, Beneficia quæcumque his Gratias obnoxia esse, præter Electiva, Reservata, vel Affectata Summo Pontifici, Resignata, vel Permutata, à Patrono Laico Pendientia, Regi Reservata, ut quæ vacant in Regalia: atqui idem vide refas est in 2. Parte Tractatus citati, ibi enim non alia eximuntur à Mandatis Apostolicis, quam, quæ duimus, exempla ab his Expectatibus, quod si prædictam Comparationem restrinximus ad duas istas Expectativas, ad id astringimur; quia alia duo non

comprehendunt, nisi Canonicatus. TIT. LVIII. *Institutionum citatarum*. Parte etiam citata, in quo conveniunt cum quibusdam Mandatis Apostolis, quae ad solos Canonicatus nominabant, siquidem, cum Mandata illa à sola voluntate Pontificis dependenter, multiplicis generis erant: alia nempè Amplissima, extendebanturque, ad quævis Beneficia Collativa, ideoque Generalia vocabantur; alia multò minus amplia, quæ Particularia dicebantur, istaque non unius speciei erant, nimis vel ad simplicita omnia Beneficia mittebantur, vel ad nonnullas istorum species restrin-gebantur: ad Mandata hujus postremi generis accedunt Mandata Regia tum jucundi Adventus, tum Sacra-menti Fidelitatis: prædictam autem Mandatorum divisionem Rusœus memorat *loco citato*, ubi observat Beneficia, que in Regalia vacabant, comprehensa nunquam fuisse in Mandato Apostolico quantumvis Generali.

Hinc patet, maximam affinitatem esse inter Gratias Expectativas Gallicanas, & Indulta Apostolica, quoad Beneficia, que utrisque subiiciuntur aut ab illis eximuntur.

*Tertia Pars Comparationis* tria complectitur, nempè 1. Quo tempore istæ Gratiae insinuandæ. 2. Cui insinuandæ. 3. Quid faciendum, si is, cui diriguntur, illas adimplere noluerit.

Quoad Primum, convenient cum Mandatis Apostolicis in eo, quod nullum sit à Jure præfixum tempus ad illas insinuandas, vel notificandas, idque Mandatarii voluntati relictum, quia de ipsius modo unicè agitur.

Quoad Secundum, concordant in eo, quod Collatori tám Gratia illa, quam Mandata Apostolica dirigi soleant, sed cum Vicarius illius vices gerat, insinuatio fieri possit Vicario sicut & Collatori, quod intelligendum de Vicario quod Jurisdictionem Volun-tariam, ad quam pertinet Beneficiorum Collatio, non autem de Vicario in Jurisdictione Contentiosâ, qui Officialis nuncupari consuevit apud Gallos, quia hæc Collatio ad Jurisdictionem Contentiosam non spectat. Differunt verò in eo, quod Gratia prædicta numquā diriguntur illarum Executori specialiter Deputato: Mandata verò Apostolica ipsi Executori quædque dirigebantur, ut notat Rusœus in primâ Parte. n. 10. probatque per C. Executor. De Concess. Præb. in VI. Id autem siebat, ut Impetrans impetratis cito potiretur, remota sic quāvis Collatoris dilatione.

Quoad Tertium, Gratia prædicta cum Mandatis Apostolicis convenient in eo, quod utrinque provisum sit negligentiæ, malitiæ Collatoris, nominatis ad hoc Executoribus, qui concedant quod à Collatore denegant; cum hoc tamen discrimine, quod in Expectativis apud Gallos usitatis depulant Executores Generales in favorem tam Graduatorum, quam Indultariorum: in Mandatis verò Apostolicis delegabantur Executores Speciales cuique Mandatario, idque Litteris peculiaribus, quæ ideo Executoria dicebantur; unde alia differentia inter prædictas Gratias & præfata Mandata, scilicet quod in istis triplex genus Litterarum mittebatur, quarum 1. Monitoria erant. 2. Praeceptoria. 3. Executoria, Quod in illis numquā observatum. De solis Graduatâs & Indultariis diximus Executores habere suarum Expectativarum, quia de Brevetariis, ut aiunt, incertum, an habeant.

Quod Rusœus dicit non uno loco, Mandata Apostolica apud Gallos executioni mandari non posse intrâ Mensem Insinuationis factæ, non servatur in Gratia Expectativa, de quibus hic Sermo; idque rectissime, cum allata ab illo rationes differenda post Mensem executionis, tanri momenti esse non videantur, quibus attendendum sit immorandumque.

Rusœus in fine 3. Partis. Sex Casus refert, in quibus Collatio facta in præjudicium Mandatarii, irrita erat ipso Jure, qui locum non habent saltem quoad modum in Gratia Expectativa apud Gallos

usitatis. 1. Si Mandatum dirigeretur Collatori dato Executori. 2. Si solo Executori dirigeretur. 3. Cum ineras Mandato Decretum irritans. 4. Quando Executor interdixerat Ordinario, ne primum vacaturum alii conferret, quam Mandatario. 5. Quando Mandatarius creabatur Canonicus cum expectatione primæ Præbendæ, tunc si Præbenda alii concederetur, quam Mandatario, concessio nulla erat. 6. Quando acceptationi tempus præfixum erat à Papâ, tunc alteri facta intrâ hoc tempus Collatio nulla erat. Hi autem Casus non respiciunt prædictas Gratias Expectativas in eo, quod provenit ex parte Specialis Executori dati cum Mandato, cum hujusmodi nullus sit in istis Gratias; ex parte verò Decreti irritantis, differunt istæ Gratiae à Mandatis Apostolicis, quod Mandata irritabant Collationes factas in contrarium ratione Claustræ in illis insertæ, nullitas autem Collationum aduersantur prædictis Gratiis provenit ex Lege illas concedente & irritante quidquid fit contra ipsam; talia sunt, erga Graduatoros, Concordata & quoad Indultarios, Declarationes in illorum favorem factæ, cum ipsâ Jurisprudentiâ Arrestorum Magni Consilii. Quoad Mandatum Sacramenti Fidelitatis nullâ adhuc Lex irritat Collationes sibi contrarias; Secùs de Mandato Jucundi Adventus, extant plures Declarationes, quæ irritas declararunt Collationes contrarias, qua demum prævaluerunt aliis, quæ Decretum irritans revocaverunt.

Hæc satis de Similitudine & Dissimilitudine inter Mandata Apostolica & Gratias Expectativas apud Gallos receptas quoad illos, quibus diriguntur, tempus Insinuationis ac utrorumque effectus: Jam de Quartâ suscepta Comparationis Parte inter istas & illa circa durationem modumque expirandi: Hoc autem ut dilucidè fiat, notandum, quod Mandata Apostolica expirabant variis modis. 1. & frequentius morte Concedentis, re adhuc integrâ. 2. negligentiâ Impetrantis infrâ tempus præfixum non Notificantis, vel non Potentis sibi debitum Beneficium. 3. negligentiâ Executoris, cui commissa fuerat potestas conferrendi primum vacatarum eâ lege, ut intrâ tempus certum conferret. 4. cessante causa in Mandato expressâ, nempè v. gr. paupertate Impetrantis, qui ante obtentionem Beneficii pauper esse desierat. 5. adaptione Beneficii incompatibilis cum sibi debito vi Mandati. Haec tenus observata Rusœus probat in 4. Parte cit. Tractat.

At verò certum est, Gratiam Graduatorum non posse expirare morte Concedentis re integrâ, cum Academia illam Concedentes vel Distribuentes morti obnoxia non sint; secùs dicendum videtur de aliis, quæ à Rege conceduntur, vel distribuuntur: hoc enim moriente, Gratia nondum significata Collatori, expirare posset quoad Litteras obtinentes & ante mortem non significatas, Successor tamen illas renovere posset, in quantum opus esset, quia succedit Juri-bus Antecessori debitis, seu fructibus illorum, qui ante Decesum obvenerant, ideoque, jam erant in Bonis Defuncti, quibus succedit Hæres, sicut & Corona; sed de hoc fusiùs suo loco, dum de illis Gratia signifikati sermo fiet. Interim notandum circa Litteras Induti Magistrati Parisiensis concessas, sibi vel alii, cui jus cessit, profuturas, quod, cum illa debeat ratione Officii, cuius post obitum Regis in possessione permanet, illarum renovatio, si hac morte perierint, jure facienda existimat.

Alii modi, quibus Mandata Apostolica expirabant, non convenient Gratia prædictis, præter negligientiam Impetrantis, qui iisdem renunciat: nihil enim sibi timendum est ex parte Executoris Specialis, cum nullum habeat; nec ex adaptione Beneficii incompatibilis, cum in Gallia plura simul acquiri possint, eâ lege, ut intrâ annum, unum ex illis eligatur; nec de Bonis profanis ante vel post Gratiam obtentam acquisitis, cum causa paupertatis in illis exprimi non soleat, tanquam motivum Concessionis, quo cessante, cessat Gratia.

TITU-